

**Suomen säädöskokoelmaan n:o 235/2016**  
(Laki valtion metsätalousosakeyhtiöstä)

**Lisätään saamenkieliset käännökset:**

## Láhka

### stáhta vuovdedoallooasussearvvis

Riikkabeivviid mearrádusa mielde mearriduvvo:

#### 1 §

##### *Vuođđudanvuloš oasussearvi*

Meahciráđdehusa vuovdedoallofitnodatdoaimba sirdojuvvo vuođđudanvuloš oasussearvi. Meahciráđdehus merke oasussearvi vuođđudettiin buot ossosiiddis stáhta lohku ja fuolaha oasussearvi registreren dihte dárbbášlaš doaimbajiin. Oasussearvi ja oasussearveortnega nuppástusa ii oáččo almmuhit registrerenláhkai, jos Eana- ja meahcedoalloministeriija ii leat bealistis dohkkehan oasussearveortnega dahje dan nuppástusa.

Oasussearvi doaimasuorgin lea bargat vuovdedoaluin oktovuoigatvuodain stáhtaeatnamiin ja doaimmahit muorramateriála áššehasaide. Vuovdedoaluin barggadettiin oasussearvi fuolaha meahciráđdehuslága (234/2016) 6 §:s oaivvilduvvon oppalaš servodatlaš ja 7 §:s oaivvilduvvon eará servodatlaš geatnegahtimiid ollašuttimis nu go stáhtaráđdi eana- ja čáhceopmodahkii guoskevaš geavahanvuoigatvuoda luohpadettiin ja dan eavttuid dárkkistettiin mearrida.

Oasussearvi oamasta ollásit stáhta ja dan hálldaša Meahciráđdehus.

#### 2 §

##### *Luohpadanfápmudus*

Stáhtaráđdi oázžu luohpadit heivvolaš buhtadusa vuostá oasussearvi:

- 1) Meahciráđdehusa hálldašeapmái čujuhuvvon dahje maŋjelis čujuhit oaivvilduvvon ekonomalaš gánnehangáibádusa vuollásaš eana- ja čáhceopmodahkii guoskevaš sirdin-dohkkemeahtun vuoigatvuoda bargat vuovdedoaluin;
- 2) Meahciráđdehusa vuovdedoallofitnodatdoaimma;
- 3) Meahciráđdehusa Vuovdedoallu-boadussuorggis adnojuvvon ávnnasmeahtun vuoigatvuodaid ja eará luovosopmodaga.

#### 3 §

##### *Luohpadeami eavttut*

Stáhtaráđdi mearrida luohpadanvuloš opmodaga ja dan árvvu sihke eavttuid, maiguin luohpadeapmi dáhpáhuvvá. Stáhtaráđdi mearrida maiddái opmodaga luohpadeapmái ja oasussearvi čohkkemii guoskevaš eará ordnestallamiin.

Go eana- ja čáhceopmodahkii guoskevaš geavahanvuoigatvuodat luohpaduvvojit ja daid eavttut dárkkistuvvojit, de galgá fuolahit das ahte meahciráđdehuslága 6 §:s oaivvilduvvon oppalaš servodatlaš ja 7 §:s oaivvilduvvon eará servodatlaš geatnegahtimat ollašuttojit ja

Meahciráddehusa dohkkehan luondduriggodagaid geavaheapmái guoskevaš guvllolaš plánat čuvvojuvvojit.

Stáhtaráddi mearrida, man stuorra oassi opmodagas biddjojuvvo oasusearvái ossosiid vuostá.

## 4 §

*Vuoigatvuohta ovddastit stáhta dihto dáhpáhusain*

Oasusearvi doaibmá riikka rájiid siste, gos das lea vuoigatvuohta bargat vuovdedoaluin, ovddastit Meahciráddehusa ja geavahit stáhtii eanaeaiggádin gullevaš sátneválldi áššis, mii guoská:

- 1) láhkamearrádusaide vuodđduvvi ránnjá dahje ránnjágiddodaga oamasteaddji gullamii;
- 2) eará guovllu go luonddusuodjalanlágas (1096/1996) oaivvilduvvon luonddusuodjalan-guovllu ja dološmuitolágas (295/1963) ráfáidahttinláhkai mearriduvvon dološmuittu suodje-guovllu rádjegeavvamii;
- 3) Meahciráddehusa vuoigatvuhtii oktasašvuovdelágas (109/2003) oaivvilduvvon osolašgot-ti čoahkkimis;
- 4) Meahciráddehusa ovddasteapmái oktasašguovlolágas (758/1989) oaivvilduvvon oso-lašgotti, earret sátkku stivrema várás oaivvilduvvon ja oktasaš čáhceguovllu osolašgotti, čoahkkimis;
- 5) Meahciráddehussii priváhtageaidnolágas (358/1962) oaivvilduvvon geaidnoosolažžan.

Oasusearvi doaibmá riikka rájiid siste, gos das lea vuoigatvuohta bargat vuovdedoaluin ja vuoigatvuohta Meahciráddehusa beales miediit:

- 1) stáhtaeatnamii guoskevaš johtinvuoigatvuođa, jos das ii leat olus mearkkašupmi;
- 2) stáhtaeatnamii guoskevaš gaskaboddosaš geavahanvuoigatvuođa;
- 3) vuoigatvuođa hukset stáhtaeatnamii boazodoaluin bargama várás dárbbálaš ráhkadusa dahje rusttega ja boazodoalolága (848/1990) 39 §:s oaivvilduvvon rátkingárddi.

## 5 §

*Vahátbuhttenvástu stáhta ovddastettiin*

Oasusearvi vástida vahágis, mii lea 4 §:s oaivvilduvvon vuogi mielde stáhta ovddastettiin dahje stáhta sátneválldi geavahettiin fuollameahtunvuodas dagahuvvon stáhtii dahje eará oassebeallái.

## 6 §

*Almmolaš háhkamiidda guoskevaš njuolggadusat*

Dat, mii almmolaš háhkamiin addojuvvon lága (348/2007) 6 §:a 1 momeanttas mearriduvvo háhkanovttadagas, heivehuvvo maiddái dán lágas oaivvilduvvon oasusearvái.

Meahciráddehus ja oasusearvi leaba nubbi nuppi ektui almmolaš háhkamiin addojuvvon lága 12 §:s oaivvilduvvon gaskavuodas. Meahciráddehus ja oasusearvi sáhttiba oastit njuolggaga nubbi nuppis bálvalusaid.

## 7 §

*Vearuhus*

Meahciráđdehusa dienasvearuhusas lohkkovuvvo luohpaduvvon opmodaga vearovuloš luohpadanhaddin opmodaga vearuhusas geahpeduvvon háhkangolu oassi.

Oasussearvvi vearuhusas lohkkovuvvo sirdašuvvan opmodaga geahpedangelbbolaš háhkangollun vástideaddji mearri, mii lea 1 momeantta mielde lohkkovuvvon Meahciráđdehusa vearovuloš luohpadanhaddin. Sirdašuvvan geahpedangelbbolaš eará golut go háhkangolut geahpeduvvojit oasussearvvi vearuhusas seamma vuogi mielde go dat livčče geahpeduvvon Meahciráđdehusa vearuhusas. Sirdašuvvan váriide guoskevaš ealáhusbođuinn addovuvvon lága (360/1968) 5 a §:s oavvilduvvon njulgenearit ja sirdašuvvan doibmii guoskevaš várreemat lohkkovuvvojit oasussearvvi vearuhusas vearovuloš bohtun seamma vuogi mielde go dat livčče lohkkovuvvon bohtun Meahciráđdehusa vearuhusas.

Meahciráđdehusa vearuhusas buhtadussan ožžovuvvon ossosiid geahpedangelbbolaš háhkangollun lohkkovuvvo dat mearri, mii báhcá go sirdovuvvon váriid vearuhusas geahpetkeahtes mearis geahpeduvvo sirdašuvvan velggiid ja várreemiid mearri.

Oasussearvvi ii leat geatnegahtton máksit váriidsirdinvearu 2 §:s oavvilduvvon luohpadamis vuodđudanvuloš oasussearvvi ossosiid vuostá.

## 8 §

*Vástu čatnasemiin*

Oasussearvvi vástida dain vealge-, bálvalan-, háhkan- ja doaimmahansoahpamušain ja eará daid láhkásaš čatnasemiin, maidda Meahciráđdehus lea čatnasan ja mađ gusket oasussearvái luohpaduvvon opmodahkii ja dasa sirdašuvvi vuovdedoallofitnodatdoibmii.

Meahciráđdehusa nuppidási vástu vuodđudanvuološ oasussearvái 1 momeantta mielde sirdašuvvi geatnegahttimiin báhcá fápmui, jos vuostebealli ii dohkket vásttuid sirdima oasussearvái. Oasussearvvi lea geatnegahtton buhtet Meahciráđdehussii dan, maid Meahciráđdehus lea dán momeantta vuodul máksán.

## 9 §

*Bargoveaga bálvalusgaskavuodát*

Oasussearvái sirdašuvvi Meahciráđdehusa doaimmain dán lága fápmui boadedettiin bargi olbmot sirdašuvvet oasussearvvi bálvalussii sullasaš bargui, mas sii ledje ovdal.

Mearreáigásaš doaimmaide váldovuvvon olbmot, geat dikšot oasussearvvi vuollásaš doaimmaid, sirdašuvvet oasussearvvi bálvalussii sullasaš mearreáigái.

Bargiide ja bargosoahpamuššii guoskevaš eavttuide dan oasussearvvi bargosoahpamuša vuollásaš doaimmas, masa bargi 1 momeantta vuodul sirdašuvvá, heivehuvvo, mii oasussearvvi čadni bargoeaktosoahpamušas ja bargosoahpamušas sohppojuvvo dahje mii lágas dahje dan vuodul mearriduvvo.

## 10 §

*Fápmuibohtin*

Dát láhka bohtá fápmui cuoŋománu 15. beaivve 2016.

Stáhtaráđdi oázžu juo ovdal dán lága fápmuibohtima dahkat 1 ja 2 §:s oavvilduvvon doaimbajuid. Dalle daidda heivehuvvo maiddái 7 §.

235/2016

Meahciráđdehus oážžu juo ovdal dán lága fápmuiboahtima dahkat 9 §:s oaivvilduvvon do-  
aibmajuid.

Helssegis cuoŋománu 8. beaivve 2016

**Dásseválldi Presideanta**

**Sauli Niinistö**

Ealáhusministtar Olli Rehn